

Vendaog

Koeplèt:

Veer leve hij us leve en de wereld dreijt mer door.
De veuls diech dèks gelaoje en de geis soms d'rónder door.
Haw diech daan aon get vas, egaal wat 't ouch is,
De zörreg aon de kant, al geit vendaog weer alles mis.
En höbste ouch noch iemes dee e bitsje um diech gief,
Daan krijgste nao e tedsje weer 'ne lach op die geziech.
De veuls weer 't gelök, dat gief diech nuije mood.
Daan zingste weer e leedsje want 't geit diech daan weer good.

Refrein:

Vendaog, zal hiel de wereld eve anders zien.
Vendaog, wèl iech niks anders es gelökkig zien.
Jao, jao, vendaog maak iech plezeer en vin 't leve fein.
Vendaog is miene bèste vrund de kastelein.

Koeplèt:

De kreigs wèl 'ns de pes in, es neet alles lekker geit.
De höbs weer hiel vääol tegeslaag en soms e bitsje leid.
De bis ten einde raod, weurs mager es 'n graot.
De zuus 't neet mie zitte en de wèrr'ks d'ch oet de naod.
Mèh höbste daan noch iemes dee e bitsje um diech gief,
Daan krijgste nao e tedsje weer 'ne lach op dien geziech.
De veuls weer 't gelök, dat gief diech nuije mood.
Daan zingste weer e leedsje want 't geit diech daan weer good.

